



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Geistliche Gold-Grub/ oder Practick. Gottseelig zu sterben
vnd ewig zu leben**

Poza, Juan Bautista

Franckfurt, 1653

Cap. 6. Daß viel nicht für Verdampft zu halten/ von welchen man die
Seeligkeit nicht hoffen kan.

[urn:nbn:de:hbz:466:1-53747](https://nbn-resolving.org/urn:nbn:de:hbz:466:1-53747)

Vnd diesem gleich seynd nach andere
Fäll zu finden darauff wir abnehmen sol-
len / daß keiner verzweifeln solle / wann
schon die Sach sehr gefährlich vnd be-
schwerlich erscheinet.

Cap. 6.

Daß viel nicht für Verdampft
zu halten / von welchen man die
Seeligkeit nicht hoffen
kan.

Es ist kein Zweifel daß viel der Be-
stalten sterben / daß ein grosse
Furcht ihrer Verdambnuß ist ;
Wellen aber vns anderen verbor-
gen ist / was sie in ihren letzten Zügen ge-
würckt / vnd die Hand Gottes mächtig/
auch bekant / daß er durch sein Gürtig vnd
Barmhertzigkeit in viel Fällen solche Sa-
chen gethan / die dem Menschlichen Ver-
stand vnd den gewöhnlichen Gesetzen nach
nicht möglich gewesen.

Als sollen wir mit höchster Bescheiden-
heit

heit darvon reden/ vnd solcher Leuten Verdambnuß nicht besteiffen; Vnd ist solches vmb so viel mehr zu verhüten/waß es deren gestorbenen Feind zu leydt/ vnd vnglimpff geschicht. Des wegen S. Athanasius in seinem sonderen Schreiben an Serapion, vnd in seiner Red gegen die Arrianer/ erzehlet mit solcher Bescheydenheit vnd Vmbschweyffen / auch Protestation des gemeinen Nutzens den elenden Todt des Arz.ii.

Murius Constantius Keyser von den größten Verfolgeren der Kirchen ist mit den Arrianeren biß in sein End gewesen. Vngeacht dessen spricht S. Gregorius Nazianzenus in seiner zweyten Red gegen den Julianum, daß er seye seelig worden/ vnd daß man habe Gefänger vom Himmel gehört/ wegen seiner Buß in der letzteren Kranckheit. Von Aeliano, welcher nach so schandlichen vnd schweren Kirchen Schändungen so geringen Platz zur Buß gehabt/haltē die gelehrtesten Scribenten darfür / daß er solche Buß gewürckt/welche ihm die Seeligkeit gebracht habe. Vnd ist von dem gesagtem

Bb

sagtem

sagten S. Augustin. in seinen Quaestion
vber Josue/einer.

Von Nabucodonosor der so viel mal
wider zu ruck gefallen/wie auß den Büche-
ren Daniel erhält/vnnd obwol dem gemei-
nen Wesen nach so wenig/vnd geringe An-
zeygung seines guten Endts vorhanden, so
sagt doch S. Hieronymus in seiner 7. Epist.
vnd S. August. in dem Buch der Praedest.
vnd Gnad 15. Cap. vnd andere mehr glau-
ben daß er selig worden / in deme er zum
End ein warhafftige Buß gewürckt.

Von dem Dathan vnnd Abiron selbst
sagt der Abulensis, obwohlen die Vermu-
thung ihrer Verdambnuß groß ist/köndte
man doch nit für gewiß sagen / daß sie ver-
dampt seyen.

Von dem Abgöttischen Balaam seynd
vnderschiedliche Meynungen. Alles dieses
erinnert vns daß wir unsere Br.
theilen vnd Wort maß-
sigen sollen.